

Ma cu siti viautri?

Parole e musica di Pino Veneziano.
Arrangiamento Rocco Pollina
e Mondorchestra.

Ma cu siti viatri?
Chi faciti viatri?
Chi diciti viatri?
Ma cu minchia siti?
Chi minchia vuliti?
Chi minchia faciti?
Lu sacciu, cu siti.
Lu sacciu.

E dicu a viatri nobili chi siti latri abbili:
“Rubati alla natura
tuttu chiddu chi dduna”
“Rubbari nun vuol diri sulu rapinari.
C’è cu arrobba sempri senza arriscari”

Odiu a tutti chiddi chi vi fannu fari
chiddu chi vuliti.
A chiddi c’un vi fermanu
A chiddi chi vi invidianu
inveci di odiarivi.
Vi odiu, vi odiu, vi odiu.

Rubbari nun vuol diri sulu rapinari.
C’è cu arrobba sempri senza arriscari.
La curpa è puru nostra
ca semu ‘mbriacati
cu l’occhi attuppati o di sport drogati.

Io nun vi criu,
a chiddu chi diciti e a chiddu chi faciti,
e lu dicu sempri
chi, ‘nzinu a quannu moru,
iu nun vi criu.

Vi odiu, vi odiu, vi odiu

Cori: Umberto Leone

La mafia non esiste

Parole e musica di Pino Veneziano.
Arrangiamento Rocco Pollina
e Mondorchestra.

Nenti sacciu e nenti vittì,
nenti vittì iu un c’era,
e si c’era iu durmia,
e cu dormi nenti vidi.

N’aeroplanu chi scoppiau,
un giornalista scumpariu,
un procuraturi c’ammazzaru
e nuddu si nn’addunau.

Però la mafia nun esisti
Chista è tutta fantasia,
no, la mafia nun esisti,
ora esisti la maffia.

Ahiahiahiah! Ahi chi guai

A Palermu fu Scaglione
a Milanu Calabresi
Nuddu vittì e nuddu c’era
E si c’era ddà durmia.

Ma si ce’è quarcunu chi vidi
e lu voli raccontari,
lu sistema la galera,
o sinnò ce’è la lupara.

Però la mafia nun esisti
Chista è tutta fantasia,
no, la mafia nun esisti,
ora esisti la maffia.

Ahiahiahiah! Ahi chi guai

Voce campionata: Totò Riina

Voce finale: Umberto Leone

Chitarra flamenca: Giorgio Riberto

Ammazzati... ammazzati...

Parole e musica di Rocco Pollina.
Arrangiamento Rocco Pollina
e Mondorchestra.

Ammazzati... ammazzati...
cumbattenti e surdati,
patri, matri e figghi.
Unni pigghi... pigghi...

Sunnu bummi di gloria...
...n’fangati la storia.
Sunnu bummi di Boia.
Sti gran figghi di troia!!!

Salutamu a voscenza
e alla presidenza...
...alla fissa a so soru.
Si tu jochi, iu moru.

Picchi pi educazioni,
contru chidda nazioni,
un ci manni i to figghi?
L’interessi unni pigghi?

Ammazzati... ammazzati...
nichi, vecchi e malati.
La vuliti finiri?
Vinn’aviti a gghiri!

C’è cu cridi a sta genti.
Cu un ci cridi pi nenti.
Si tu cridi a sti boia
si un gran figghiu di troia!

Ammazzati... ammazzati...
nichi, vecchi e malati.
La vuliti finiri?
Vinn’aviti a gghiri!
Vinn’aviti a gghiri!
Vinn’aviti a gghiri!

Voce campionata:

Ultimo discorso

del presidente cileno

Allende.

Brindisi

Parole e musica di Rocco Pollina.
Arrangiamento Rocco Pollina
e Mondorchestra.

Mi manciassi na fedda di celu
mi vivissi
un bicchieri di stiddi
accussi un sintissi cchiù gelu
unn’avvisi
li mani cchiù friddi

Mi curcassi
nn’un lettu di mari
’ntra na varca...
e lu ciascu cu mia
’nta lu celu s’addumanu fari
na chitarra...
e tu canti cu mia

Fazzu un brindisi
ora pi ttia
cu stu vinu
ch’è sangu di terra!
Fazzu un brindisi
a sta cumpagnia
’nta lu munnu
un ci sia cchiù guerra!

E cantamu...
cantamu l’amuri
chistu amuri
cchiù granni du munnu
’nta lu celu li stiddi ‘ncaluri
puru i pisci
’ncuncertu di ‘nfunnu

Fannu un brindisi
ora pi ttia
cu stu vinu
ch’è sangu di terra!
Fazzu un brindisi
a sta cumpagnia
’nta lu munnu
un ci sia cchiù guerra!

Voce campionata: Clara Salvo
presso “La Zabbara” di Selimunte.
Cori: Umberto Leone

Veru è

Parole e musica tradizionali
di pubblico dominio.
Arrangiamento Mondorchestra

E la Sicilia nostra
è terra veru ricca
Omini cinnè assai
e travagghiu cinnè picca

Veru è
Ma veru, ma veru è

Ci sunnu l’operai
chi jettanu sudura
e vonnu travagghiaru
pi fari li trattura”

Veru è
Ma veru, ma veru è

Ci su li contadini
chi diciunu ora basta
“Travagghiu ’nta sta terra
e nenti mi nnarresta”

Veru è
Ma veru, ma veru è

E la Sicilia nostra
è terra veru ricca
Omini cinnè assai
e travagghiu cinnè picca

Veru è
Ma veru, ma veru è

Voci africane: Sunugal ensemble

Cori: Umberto Leone, Stefania Sforza

e Antonella Rottino

Voce campionata finale: Pino Veneziano

